

高上玉皇本行集經卷中



高上玉皇本行集經卷

中

太上大光明圓滿大

神咒品第二

爾時天地始祖五老上

帝稽首長跪白



天尊言。伏聞

高上玉皇。慈念蒼生。普

放神光。照燭法界。六凡

四聖。普叨道蔭。竊以凡

夫短景。劫運將終。正道

宜行。以濟兆民。使修真

之子。有期輕舉。末代烝
民。俱獲壽考。自昔

元始洞玄靈寶赤書玉

篇真文。生於元始之先。
空洞之中。天地未根。日

月未光。幽幽冥冥。無祖

無宗。無氣。無象。無色。無
名。無形。無緒。無音。無聲。
混沌太無。靈文晦藹。乍

眼得

存乍亡。靈圖開化。玄象
推遷。結氣浮空。乘機應
會。玉帝真誥。靈寶秘

篆無上大不可思議神
呪于是存焉故天地得
之而分判三景得之而
發光靈文鬱秀洞映上
清發乎始青之天而色
無定方文勢曲折難可

尋詳。元始鍊之於洞陽。
之館。治之於流火之庭。
解其正文。瑩發光芒。洞
陽氣赤。故號赤書靈圖。
既煥。五帝朝真。飛空步
虛。旋行上宮。燒香散花。

口詠靈章。是時天啓十
二玄瑞。地發二十四應。
上慶九天之靈奧。讚三

天之寶明神風。既鼓皇

長

道咸暢。元始登命。太真
按筆。玉妃拂筵。鑄金爲

取火

簡刻玉爲書。五老掌錄。
秘於九天靈都之館。玉
女典香。太華執巾。金童
侍衛。玉陛朝軒。九天玉
書。非鬼神所聞。故天寶
之以致清。地祕之以致

寧五帝掌之以得靈。三
光乘之以高明。上聖奉
之以致神。高靈尊之以
致真。五嶽從之以得鎮。
天子得之以致治。國祚祖
賴之以致平。實靈寶之

妙德。乃天地之玄根。威
靈恢廓。普加無窮。蕩蕩
大化。爲神明之宗。其量
莫測。巍巍乎太空。是時
元始。革運玄象。開圖靈
文。鬱秀神表。五方分判。

天地開化萬靈此玄宗
之寶可得暫披於靈韞
乎。今皇道敷暢澤被十
方。仰觀劫運真風宜行。
臣心實欲使靈蔭八遐。
風灑蘭林寒條仰希華。

陽之繁。朽骸蒙受靈奧
之津。明真有格。今當以
行。仰對元慈。下伸丹悃。

惟願哀憫。俯念蒼生。不

審靈寶玉篇真文。可得

見授下教於未聞者乎。

於是夫元始天尊撫已

高抗凝真遐想觀時已

至普為時會一切真聖。

論定陰陽推數劫會移

校河源檢錄天度選擇

種人指拈太無嘯朗九

玄念無開聽於陳辭。此有

必受

若閉礙求真之路。是時

五老帝君啓問不已。良

久此元始天尊乃垂盼潘

散之容。慨爾歎曰。微乎

主

深哉。子今所扣。豈不善

其

乎。此元始靈寶之玄根。
空洞自然之真文。生天
立地。開化神明。施鎮五
嶽。安國康民。靈寶玄妙。
為萬物之尊。天啓玄瑞。
靈應自然。今三天。鑿運。

六天道行。雜法開化。當
有三萬六千種道。以釋
來者之心。此法運訖。三
龍之後。庚子之年。禳氣
普消。諸天慶會。吾真道
乃行。今且可相付。當錄

於上館。未得行於下世。
玄科有禁。不得妄傳子。
可詣靈都紫微上宮聽。

天音於金格。視俯仰于
神王。然後當使得受天
文。以統脚元始之天也。

於是五老帝君與諸真
聖。清香執戒。徘徊雲路。
嘯命十方。上詣上清。太

玄玉都。寒靈丹殿。紫微
上宮。受俛仰之格。乃知
天真貴重。難可即聞。還

乃更詣元始道前。諮以
禁戒之儀。遜謝不逮。是
時。天尊慈顏。愍諭靈
闕。廓開登命。五老帝君。
開洞陽玉館。披九光八
色之韞。雲錦之囊。出元

始靈寶。赤書玉篇真文。
金書玉篆。微妙秘密。運
御乾坤。大光明圓滿大
神呪玉章。宣付五老帝
君。是時五老帝君拜受
已。及諸天聖衆稽首禮。

謝 天尊玉帝。仰奉

道旨。按法以傳。

東方安寶華林青靈始

老蒼帝。所受神呪。誥命。

東方九炁 始皇青天

和

碧霞鬱壘 中有老人

總較圖錄

攝氣舉仙

右度人錄仙青帝秘文三十四字書于九

天元臺主召九天上帝校神仙圖錄

歲星輔肝

角亢鎮真

氏房心尾

四景廻旋

箕主七辰

正斗明輪

記

承炁捕非

掃除灾群

右制星秘文三十二字書于紫微宮窠

華殿主召星官正天分度

東山神咒

攝召九天

赤書符命

制會艷山

東魔送鬼

所誅無蠲

悉詣木宮

敢有稽延

右制魔祕文三十二字書于東華玄靈

之館主攝鬼魔正九天炁

下制東河

溟海水神

大劫洪災

蛟龍負身

水府開道

通逕百千

上帝赤文 風火無間

右制水秘文三十二字書于九天東北玉

闕丹臺主攝東海水帝大劫洪災召蛟

龍及水神事

東方九炁靈寶赤書玉篇真文合一百三

十字皆

太上無上大光明圓滿大神呪空洞自然
之書一名生神寶真洞玄章一名東山神

呪一名青帝八威策文

右 玉皇誥命以錫東
方安寶華林青靈始老
蒼帝九炁天君令統御

東方諸天諸地日月星
宿名山靈洞水府泉宮
上聖高尊真仙聖衆一

切威靈符命所臨如誥
奉行

南方梵寶昌陽丹靈真

老赤帝所受神呪誥命。

南方丹天 赤帝玉堂

中有大神 號曰赤皇

上炎流烟 三炁勃光

神仙受命 應會太陽

右度人錄仙赤帝秘文三十二字書于九

天洞陽之館主召九天神仙圖錄金名

熒惑輔心

井鬼守房

柳星張翼

統御四鄉

軫總七宿

回轉天常

召運促會

正道驛行

右制星秘文三十二字書于三炁丹臺

主召星官明度數正天分

赤文命靈

北攝豐山

東送魔宗

斬邪滅根

符教所討

明列罪原

南山神咒

威伏八方

羣妖滅爽

萬試摧亡

右制魔秘文四十字書于西南陽正玉闕

主制北鄧正鬼炁

南河水帝

太伯龍王

神咒流行

普掃不祥

洪水飛災

止蛟名龍

開除水徑

千道萬通

敢有干試

攝送火宮

赤書所告

莫有不悅

右制水秘文四十八字書于西南陽正

玉闕主攝南河水帝大運交期洪水四出

名蛟龍及水神事

南方三炁靈寶赤書玉篇真文合一百

五十二字皆

太上無上大光明圓滿大神咒空洞自然

之書一名南雲通天寶經一名九天無上

之上咒一名赤帝八威策文

右 玉皇誥命以錫南方
梵寶昌陽丹靈真老

赤帝。三炁天君。令統御
南方。諸天。諸地。日月星
宿。名山。靈洞。水府。泉宮。
上聖高尊。真仙聖衆。一
切威靈。符命所臨。如誥
奉行。

中央玉寶元靈元老黃
帝所受神咒誥命。

中央總靈黃上天元

始生五老中黃高尊

攝氣監真總領羣仙

典錄玄圖宿簡玉文

催運上炁 普告萬神

右度人錄仙黃帝秘文四十字書于太玄

玉寶玄臺主名神仙玉簡宿命總仙炁

鎮星輔脾

迴度此元

魁魁主非

截邪斬根

耀魁魁魁

掃穢除氛

飄正玄斗

明度天關

九天符命

金馬驛傳

右制星祕文四十字書于玄都玉臺主

攝星官正天分數

中黃總炁

統攝無窮

鎮星吐輝

流鍊神宮

勅攝北帝

遇塞鬼門

我遂

翦除不祥

莫有當前

右制魔祕文三十二字書于玄都玉臺生

攝北帝正天氣檢鬼精

中山神咒

召龍上雲

制會黃河

九水河源

不得怠縱

善惡悉分

千妖萬奸

上對帝君

莫有干試

太陽激熾

赤書玉字

宣告普聞

右制水祕文四十八字書于玄都玉臺四壁

以攝中海水帝四泉之水洪災湧溢之數

主召水神止蛟龍

中央一炁靈寶赤書玉篇真文合一百六

十字皆

太上無上大光明圓滿大神呪空洞自然

之書一名保劫洞清九天靈書一名黃天

神呪一名黃帝八威策文

右 玉皇誥命。以錫中

央。保劫洞清。玉寶元靈

元。老黃帝。一炁天君。令

統御中央。皇天后土。日

月。星宿。名山靈洞。水府

泉宮。上聖高尊。真仙聖

衆一切威靈符命所臨。
如誥奉行。

西方七寶金門皓靈皇

老白帝所受神咒誥命。

西方素天
白帝七門

金靈皓映
太華流氛

白石峩峨

七氣氤氲

上有始生

皇老大神

總領肺氣

主校九天

檢定圖錄

制召上仙

右度人錄仙白帝祕文四十八字書于

九天素靈宮北軒之上主名仙炁主仙道

太白檢肺

奎婁守魂

胃昴畢觜

主制七關

參總斗魁

受符北元

右制星祕文二十四字書于金闕玄窓

主攝白帝星官正明天數

赤書玉字

九天正文

攝名萬炁

普歸帝君

右制魔祕文一十六字書于九天金闕三

圖之館以攝六天炁炁

西山神咒

八威七傳

符水上龍

召山送雲

在所校錄

同到帝門

輔衛上真

斬滅邪源

若有不祥

截以金關

赤書符命

風火驛傳

右制水祕文四十八字書于九天金闕三

圖之館主攝西海水帝及水中萬怪惡

毒之精召雲龍以防水旱之災也

西方七炁靈寶赤書玉篇真文合一百三

十六字皆

太上無上大光明圓滿大神咒空洞自然之

書一名金真寶明洞微篇一名西山神咒

一名白帝八威策文

右 玉皇誥命以錫西

方。七寶金門。皓靈皇老。
白帝。七炁天君。令統御。
西方。諸天諸地。日月星。
宿。名山靈洞。水府泉宮。
上聖高尊。真仙聖衆。一
切威靈。符命所臨。如誥。

奉行。

北方洞陰朔單鬱絕五

靈玄老黑帝所受神咒

誥命。

北方玄天

五炁徘徊

中有黑帝

雙皇太微

總領符命

仙鍊八威

青裙羽襪

龍文鳳衣

上帝所舉

制到玉階

右度人錄仙黑帝祕文四十字書于鬱單

無量玄元紫微臺北軒之內主召諸真人

神仙圖錄

北辰輔腎

斗牛衛扉

女虛危室

豁落四開

壁筆總七星

執七凶糾非

卻却災掃穢

明道動輝

右制星祕文三十二字書于天心北元玄

斗中主攝北方星官正天氣

北山神咒

激陽起雷

流鈴煥落

攫天振威

北豐所部

萬妖滅摧

右制魔祕文二十四字書于北方洞陰朔單

鬱絕玄臺主攝天魔北帝制伏惡神萬鬼事

九河傾訖

鳥母群飛

蛟龍通道

水陌洞開

赤文玉書

驛龍風馳

右制水祕文二十四字書于洞陰朔單鬱絕

元臺主攝北海水帝制水中萬精主召蛟

龍興雲致雨事北方五炁靈寶赤書玉篇真

文合一百二十字皆

太上無上大光明圓滿大神咒空洞自然之

書一名紫微元神本命生真實明文一名

此山神咒一名黑帝八威制天文

右 玉皇誥命以錫北
方。洞陰朔單。鬱絕五靈
玄老黑帝。五炁天君。令

統御北方。諸天諸地。日月星宿。名山靈洞。水府衆宮。上聖高尊。真仙聖衆。一切威靈。符命所臨。如誥奉行。

道言。是大神咒者。

元始之妙言。玉皇之真
誥。上清自然之靈書。九
天始生之玄札。空洞之
靈章。上聖之祕語。玉宸
之尊典。成天立地。開張
萬化。安神鎮靈。生成兆

民匡御運度。保天長存。
上制天機中。檢五靈。下
策地祇。肅命河源。運役
陰陽。召神使仙。此至真
之妙文。神應自然。致天
高澄。令地固安。保鎮五

嶽萬品存焉。

玉帝昔授五老上帝。是

時五帝跪捧其章。祕題

体

靈都之館。天真皇人昔

書其文。掌之於上清真。

境。太玄玉都。寒靈丹殿。

紫微上官。累經劫運。而
其文保固天根。無有毀
淪。與運推遷。是大神咒。
混之不濁。卓穢之愈清。毀
之不滅。滅之極明。大有
之文。天真所尊。自光真

名。帝圖刻簡。昭示來生。
斯文隱秘。不得窺聞。有
得之子。保萬烝長存。勤
行修奉。克至神仙。朝禮
帝君。

玉皇功德品第三。

爾時玉虛上帝白

天尊言。惟願慈悲。普為

四衆帝釋等。及四梵天

王。一切諸天。一切諸仙。

及未來一切衆生。持是

經人說利益事。爾時

天尊告玉虛上帝言。快
哉斯問。不亦善乎。汝以
慈悲愍念衆生。故請問
於我。主汝當復坐。吾為宣
說。天尊言曰。若有三
界十方。無量國土。或兵

戈並起。疫氣流行。水旱
蟲蝗。凶災饑饉。是其國
王大臣當發慈憫。爲其

黎庶。遍勅國內。州縣鎮
宰。令諸道流清淨嚴潔。
于其觀內。設大齋醮。六

時行道。爲轉此經。當得
國土清平。五穀豐熟。黎
庶安泰。若復有人。入諸
山林。遇毒惡獸。但能存
想。一念真經。山神衛護。
猛獸自退。終不害已。若

入江海採寶求珍。值遇
惡風如法持念。是此真
經。風浪頓止。安穩達岸。
若在軍陣。戈戟既接。兩
刃相交。存心默念。是此
真經。是諸惡賊。悉自退

散。若在牢獄枷鎖之中。
淨心定慮。存念是經。冤
枉自伸。即得解脫。若爲
邪精鬼賊。衆苦所加。如
法持念。是此真經。衆邪
遠避。自然安穩。若人爲

求嗣息。如法尊重。持念
此經。帝勅天曹。明檢
丹籍。九品之內。四果仙
人。運應數合。降謫下生。
為其作子。才辯明慧。人
中尊貴。若婦人臨難之

月如法持念。是此真經。
即得母子平安。生福德。
男女人所愛敬。若為求

官進職。爵祿亨達。貴遇
人君。如法持念。是此真
經。即得職務遷轉。子孫

榮貴。世世不絕。若人欲
求資財。殷富。如法奉持。
是此真經。即得財寶。克
溢。衣食自然。慶流子孫。
傳之後代。若人被諸惡
星之所照臨。困苦床枕。

如法持念。是此真經。是
諸惡星。返降吉祥。若人
命過。應入地獄。注名惡
籍。父母師長。夫妻男女。
當為亡人。持念是經。或
安置道場。拈花供養。即

得亡者。鬼籍盡除。神生
淨土。同苦罪衆。咸蒙濟
度。承斯勝利。皆生天上。
又此經所在之處。常有
十天。至真大聖。無極飛
天神王。侍衛供養。持是

經人當得自稱爲正一
真人。是人在處自得十
方。至真至聖。金剛力士。
潛千護其人。如護己身。若
出若入。遊行之處。百邪
避路。魔鬼殄除。精靈伏

藏一切災殃。不能侵近。
是持經人。命欲終時。更
不見諸地獄惡相。即見
天宮玉女持幢下迎。而
生天上。如天福盡。下生
人間。即得千生萬生中。

常為國王大臣。聖賢慶
會。國土清平。人民樂業。
常得宿性通明。遵奉大
道。展轉脩持。至登道岸。
是持經人。獲福如是。又
若有持是經人。若雨下

時起大悲心。如法向空。
念此經三卷一遍。其兩
所露面所向方。一切衆
生。五逆十惡。一切重罪。
悉皆消滅。一切重病。自
得痊愈。是諸衆生命終。

之後不墮地獄。神生淨
土。蓮花化生。何況持是
經者。又若有持是經人。
或行於道路。值大風起。
吹是持經之人。觸身之
塵。是塵所霑。一切衆生。

一切惡業悉皆消滅。更
不墮於三惡道。當生天
上。故知持經功德不可

思議。是持經人。若經涉

槐

社

於江河淮海。沐浴其身。
是身所霑之水。其中衆

生魚鼈龜鼯一切水族。
是諸惡業悉皆除滅盡。
此一報之身。命過之後。
不復更受胎卵濕化一
切等身。是持經人口出
一切言語音響音一切邪

魔外道聞者皆是清淨
法音。是持經人。若遇諸
神廟。能爲其神誦詠。是
經。是諸鬼神得聞。是經。
即脫鬼趣。登證仙道。恭
敬是人。如奉是帝。若人

在世。不孝父母。不敬三
寶。殺生偷盜。邪淫妄語。
作種種極重罪業。將命
終時。若有道心。正信善
男善女。於亡者未氣終
時。起大悲心。于其頭邊。

念 玉帝尊號七遍。或
二七遍。三七遍。四七遍。
乃至百遍千遍。是其亡
者。生前所造諸不善業。
悉得消滅。更不墮諸惡
趣。神昇九天。何況受持。

是此經者。又若復有人。
自從往劫。乃至今身。輪
轉人天。漂沈世域。積千
愆萬過。在於己身。若遇
是持經之人。形影暫映。
其身如為帝光之所攝。

受。或與同語。或聞其聲。
如奉帝言。道語之所慰。
諭彼人罪障。永得除滅。
又若持是經人。造作長
旛。書帝名號。于其旛上。
懸諸長竿。或在觀宇。或

在家庭。是旃被諸風吹。
所指方面。一切衆生。皆
霑勝利。一切惡業。悉得
除滅。又若有持是經人。
書帝名號。在一切有聲
物上。或鐘。或磬。鈴。鐸。鏡。

鉢。一切道。具法事之屬。
或以道場。或因戲擊^吉。或
被風觸。是聲出時。或遠
或近。一切衆生聞是聲
已。所有罪障悉得清淨。
又若有持是經人。了悟

生死深入山林。脩真學
道。或時登臨。上山顧望。
目所及處。山林溪谷。含
生品類。有形無形。胎卵
濕化。蠢動飛潛。種種物
類。所有罪業。皆得除滅。

身心清淨。命終生天。何
况受持。是此經者。當知
是人。即是道。藏功德身。

也。爾時

天尊。謂玉虛上帝言。今
我畧說。未盡其妙。若廣

說之。凡流邪見。疑惑不
信。是經功德。窮劫難言。
于時至虛上帝。聞是說。
已心生歡喜。世不勝踴躍。
瞻仰慈顏。稽顙首讚歎。而
作頌曰。

九天之上

謂之大羅

玉京金闕

雲層峩峨

中有天帝

仁慈惠和

至道無敵

降伏衆魔

天寶靈符

玉律金科

神仙億萬

幢幡衆多

聞者罪滅

永出愛河

是號玉皇

穹蒼真老

妙圓清淨

智慧辯才

至道至尊

三界師

混元祖

無能勝主

四生慈父

高天上聖

大慈仁者

十號圓滿

萬德周身

無量度人

拔生死苦

爾時

玉虛上帝。說是頌及十

蹄已。諸天聖眾。異口同

音歎未曾有。

高上玉皇本行集經卷

中

